

武寧縣志卷之八

歷朝文集

明

知縣盛公崇祀名宦記

顧應禎

晉江人  
江府通判

盛公東民諱文郁字從周先歸德人以宦籍浙之錢塘洪武間令武今有有餘歲余以使事至寧寧令胡公奉督學命迎盛公入祀名宦余諭諸衆曰祭法有五以法施於民以躬殉王事以勲勞定國能禦大災捍大患允若茲方膺祀典他罔濫及盛公有一於茲武寧縣志

卷之八

乎胡公曰時余啣命來寧廩生吳宗周等合論盛公文郁當與宦祀請於督學邵公暨兩院檄云盛君先達高風遺愛未泯仰縣禮送宦祀以彰厥績余因進邑父老詢其故咸曰國初寧值兵燹擾攘難馭匪得慈祥豈弟之父母曷克濟惟公夙夜焦思軫恤懷保去其政虎汰其賦蛇計綢繆而壯雉堞勤撫字而惠閭閻諸如勵學官新縣宇開水利課農桑不踰年而治大洽寧民以若躬行較若祀典與古五祭法爲合券也越六歲公卒於官子孫家馮父添祥



撫諸秩資善大夫母王氏階封夫人亦卒於...  
林兵起命各屬征討夫人現身助陣獨縣令至公  
功凱旋因崇祀花封啓祐棠蔭人稱衆母令曰猶子  
迄今顯靈異焉夫以盛公之德政更歷有餘年尚獲  
崇祀則昔之身被其澤者何如也治越世彌新化愈  
久益著懿好既深憲命適至胡公乃樂於彰往勸來  
而會逢其成有如此者宜識之

題盛大尹名宦碑後

董應芳

昆陵人 都司 勸事

寧令盛公德政碑所從來曠久前歲爲風雨所毀其

武寧縣志

卷之八

二

子姓家於寧者復立石於縣堂之左是爲丁未仲夏  
適予代庖日也因感而言曰而生乎錢塘令乎武寧

善政善教而籍籍乎一百餘年有令名官於斯卒於

斯子孫家於斯而衣冠盈玉樹之庭昭茲王母赫赫

厥靈於以庇此蒸民今安得有如盛公者而

張平 糜所 儀刑

方萬二公從祀鄉賢記

胡東陽

四川 遂昌人 本邑令

隆慶壬申秋余奉簡命視篆茲土謁廟既訊諸邑之

父老凡鄉先達懿行悉啓余俾有師法金曰原任浙

大恭萬公迂彩浙憲僉方公益縉鄉邦推仰聲譽

今不磨余深契之猶未詳也及閱案牒有崇祀鄉賢以勵風化未結卷宗始詳巡按江西監察御史任公案驗提督學校副使邵公教條款開鄉有懿德淑行足以濟時範俗者速行補祀以答前脩時瑞州少府粵歸善李東石公署縣事語學博敏郡吳君邑進士南吾潘君欲舉德棻聞望可崇祀者以副盛典通學生員張機吳宗周潘策等舉原任浙江叅政萬廷彩由弘治乙卯舉人浙江僉事方孟縉由嘉靖乙未科韓應龍榜二甲進士立身制行備呈本學司教李君

武寧縣誌

卷之八

三

吳君何君取具勘結呈縣覆勘轉詳督學邵公批府勘實申報余適蒞任細核得萬大叅立身忠直制行端莊事母敬養不衰撫躬產資弗計捐餘貲以賙乏行古禮以訓鄉終始一節人無間言方僉憲制行清潔貧苦夙甘廬母墓而瑞徵芝草崇先祀而更置祭田友愛兄弟息郵隣族理刑訟多所平反歿官邸囊無餘貲居鄉居官確無可議備由覆府詳道值科場事劇未暇批示茲萬曆甲戌春余方以入覲回任適屯鹽水利署督學僉事祥符周公觀風武寧謁學官

詢知鄉賢僅有宋代葉公顧言葉公點葉公履和周公友賢四公與祀因喟然曰堂堂國朝培養寧無應祀者乎本學師生乃以二公結報卷宗事實對復欣然曰幸有此當卽行公事竣轉道復批查實奉本府周公帖抄督學周公批何地無賢况明興二百餘年造就培養武寧雖小無一鄉賢之祀誠缺典也擬屢次查勘鄉官萬大叅方僉憲居鄉善行歷歷可述輿論攸同相應准行仰府卽行該縣置主送入鄉賢祠崇祀具行過緣由繳茲以六月十七日余置主禮送

武寧縣誌

卷之八

四

入祠崇祀未幾方公嗣子舉人方繼懋暨庠生潘大謀萬曰贊等謁余索叙顛末用垂不朽余憶魯叔豹曰太上立德其次立功其次立言是謂不朽若二公者孝友仁讓均仰於鄉邦忠愛著於朝孚於黎庶可謂德矣萬公若議郊廟大禮守正不阿方公若決張貴戚大獄秉公不憚可謂功矣次若萬呆齋知軋錄若方鴈里淺稿亦無愧立言矣信矣哉立身大節無虧蓋棺公論允協均足以濟時範俗者則今獲崇廟祀血食千百禩非倖也宜也余筮仕僉聞父老所推

鄉竊荷私淑茲際盛典獲與甄華觀厥成列名於刻  
不私慶與二公同不朽乎且嘉方萬二氏之均亦能  
及寧氏濟濟之繼美也因弗獲辭用新祠宇備祀誌  
不朽云

城隍廟記

胡東陽 邑令

城隍者氣本地而通於天神之正也自國都達於郡  
縣莫不有廟以虔其祀事凡吏於其土者始告於廟  
然後蒞政春秋必祭朔望必謁載在祀典赫赫也非  
以其默有保障功耶壬申秋予奉聖天子命來令武

武寧縣誌

卷之八

五

寧蓋俾我保障乎斯民也其責任同民有欲惡求遂  
於余余爲之聚所欲而勿施所惡禱於神者亦知之  
其感應同民之善者余彰之惡者瘳之神則福善而  
禍淫也其權力同余顧高其堂嚴其衛道其門神之  
廟獨隘且敝焉其何以答神貺而徼神之福也甲戌  
冬乃庀材鳩工撤其舊而重建之爲廳猶夫吾之聽  
政也爲重簷於廳之前猶夫吾之容叅謁也爲翼室  
於兩階猶夫吾之有椽曹也爲內門於翼室之前爲  
外門於通衢之左猶夫吾之有儀門重門也工始於

去年春正月告成則棟宇巍煥規制恢豁視昔不啻  
十倍庶幾陰陽表裏廟貌備觀其蒞臨之體均之爲  
不棄也然神之靈雖不阿余之私以求同於余亦不  
可徇人之私以致異於余也水旱而禱疾病而卜吉  
凶而告神於是乎轉禍爲福易危爲安余深爲民願  
之無異也迺問民有是非曲直贊成於余本非也微  
神使直是欲神枉吾之公以若所私神如狗馬無乃  
求同於人不求同於余也神不爲也去年春三月不  
雨苗不入土民咸凜凜焉朝不謀夕余禱於神尋卽  
爲霖秋七月禾垂實又不雨再禱之神再應之神不  
異於余有明徵矣審如是則祀典之隆與予尊禮乎  
神者苟有已哉是爲記

武寧縣誌

卷之八

六

北樓源朝天廟記

胡東陽

北樓源去邑治僅三里有張許廟祀南陽張公巡高  
陽許公遠武寧遐僻邑也二公靈於此者亦蘓子謂  
魏公之神如水在地中無所求而不得也邑之人水  
旱疾疫禱焉行旅往來禱焉輒應癸酉冬余將入觀  
循故事備牲醴禮神式瞻遺像見耦席於上者不二

而三右則被服袞冕疑非臣子所宜爾記之曰唐高  
明皇也舊惟小像置楣間適有折嗣而得者肖其像  
而並大之迺以成像之後先序左右耳他蓋未之知  
也余聞而惕然念睢陽城陷之時二公乃竭誠戮猶  
西向再拜願爲厲鬼以殺賊忠義之性之死不忘言  
沒而有靈聚坐於一堂安忍僭易若此乎亟欲正之  
弗暇明年春三月抵治捐俸金與北樓源居述劉姓  
者撤其舊而脩之爲殿以棲神於後爲堂以肅衣於  
前塔閉有門環固有垣於是進明皇之位穹然居尊

武寧縣志

卷之八

七

二公則翼如於左右也廟貌崇而觀望美尊卑辯而  
名分正人心安而神靈妥其殆默有以起余也歎工  
始於孟夏訖於仲秋劉氏丐余以識歲月余謂水旱  
疾疫諸貽民害者神之力能去之人有害於民視其  
早疾疫等焉余受民社之寄直欲除其所以害吾民  
者而已各分求正余推二公之心爲心矣民害未除  
二公其以余之心爲心作善者陰有以相之作不善  
者陰有以殛之俾寧人父慈子孝兄友弟恭強無凌  
弱富無虐貧各安於倫理而不速戾於有司余有司

亦託有令聞則帝臣之廟食茲土也俎豆不惟馨  
哉書之以質於神

歷官題名記

胡東陽

題名記者何記官之名氏也我明稽古設官邑有  
長而下有丞有簿有尉陳殷置輔允以爲民也居官  
任職者聚欲辟惡俾民愛之如父母期與國家位事  
之意無負而止不然豈其使肆於民上以尸位苟祿  
哉舊未有題名元末而上湮沒無徵不復識已明興  
以來余悉鐫而勒之於堂左序其鄉籍紀其官階後

武寧縣志

卷之八

之同好惡公是非者觀斯記得指而議曰某也廉某  
也能某也法施於民某也盡瘁事國某也稱職某也  
不勝任某也當否推遷某也當否罷斥直道昭於久  
遠法戒貽於嗣續凡吏茲土者觸目警心監今視昔  
得不悚然思效乎夫人聞譽則喜詈之以惡則怒其  
性然也而况一命以上受爵於君食祿於民其忍惰  
淫自卽匪彛而不係民久遠之思哉余暨若僚且畫  
在覽亦庸無惕其鰥曠云故記

重修武寧城記

陳克濟



武寧邑城代有脩廢禦民法無以寧未遑之思故  
城易圮迄茲復隆崩隕惟有歷年胡侯爲寧令正和  
邑告命之時也數年來于城保障賴以無虞而地利  
人和宜兼重焉兵憲王公豫吾鎮巡是邑惟患而禦  
防之大造於寧侯於是得前兵請因白守道盧公郡  
守周公以上達於都臺楊公均慨然有爲國爲民之  
意於是相高下揣厚薄仞雉矚量工費計田產而均  
辦諭上令以致之民民懽然聽命夙夜經營是城是  
築令卑者使益高隘者使益廣新四門而易其名系

武寧縣志

卷之八

九

賓勛今日迎息南明今日宣和西慶豐今日興輝  
北拱辰今日拱極南西南仍二小門以道民便率  
墾樓櫓駢時壯飭然截然仡仡有仇經始秋仲季  
初訖工費金數百四旬而畢民自輸力募工公帑無  
與焉不驅而疾不扶而勉所謂庶民攻之不日成之  
有堵皆興馨鼓弗勝者也工闕僉爲之歌曰八月  
其穫賊是用墜寇攘之故匪舍我穡明哲我侯我民  
安息又歌曰八月其穫孰勤我民蠢蠢心攘震於其  
隣城是用興我侯好仁於人美哉以之也城之董之

政軍不罷賈輸之... 其侵內之有所恃而敢... 幸司鐸茲土得稔其事... 寧江四川津昌衛人

鼎建浮橋記

許弘基

粵東人  
學教諭

武寧縣治之前去城... 遠通奉靖兩邑上而... 或夫轉輸傳命者... 乘其誠邑之要道也... 而海之人萬其何能... 又多牽阻滯滯動... 與性好施予目擊... 涉蓋十年於茲矣... 其尤之好者曰... 命交則於兩岸各... 亦築梁舟以鐵鍊... 不累官帑下不...

武寧縣志

卷之八

十

而海之人萬其何能... 與性好施予目擊... 涉蓋十年於茲矣... 其尤之好者曰... 命交則於兩岸各... 亦築梁舟以鐵鍊... 不累官帑下不...

武寧縣志卷之八

曆十二年迄今二十年之冬告成遐邇趨行僂若垣  
途卽古所稱徒扛輿梁不是過也署篆宋公嘉乃丕  
績申請於撫臺邊公巡臺陳公移檄於太府王公酌  
議加編脩理歲額橋夫看守以爲永久不朽之計邑  
士夫謂義渡固難而浮橋猶難浮橋固難成於一人  
一家之力則又難之難者豈不可無記敬干予一言  
以表揚之不佞竊惟仁人始博施濟衆義士每輕財  
好施若溥者庶幾近之故爲叙其顛末云

署縣施公重置學田記

蔡國珍奉新人

公孫僑爲政論者曰古之遺愛民咸臚之竊謂民臚  
臚若士臚愛民宜先愛士蓋士者民之倡也顧所以  
愛士者匪必人人而解推之在於調停設策惠而不  
費之有要焉耳庠中青衿未必俱膏梁子弟紅朽而  
無所藉者其有桑樞壁立吉凶所不可弛之禮心爲  
力限者徃徃什之伍樂只父母欲爲國家有材寧弗  
焦思惕慮而爲區處得宜也哉先年縣令朝公首政  
急士勸誘良民各井以腴田及桑束園惠學其畝數  
界至冊卷昭然而士之戴之者勒諸碑記尚歷歷可

後豪猾佃捕租弗納假詞旱魃而默誘當事者倡而輕市之得價五十八兩六錢貯庫所存腴者惟水口十四畝六分而已又爲縣禮書私收乾沒以作伊之奇貨也萬曆三十年縣令李任茲知其弊端欲爲清查之將學貯縣銀二十四兩買萬達亢水田一十二畝此亦愛禮存羊之意惜乾沒猶故也后值私艱署篆者難其人兩臺二司以施大夫在瑞州時仁慈之名夙彰廉明之風遐布交檄促大夫單車而來謁廟進諸士而詢之得其故喟然曰學田者故而

武寧縣志

卷之八

十二

賈哉禮書曷故而侵哉此弊之極矣可不亟反哉於是進學博魏與劉而共商之計存庫學銀二十五兩七錢零及學中之缺官缺廩銀四十兩九錢零縣貯銅錢一十五兩具文申請撫院學道蒙允卽將前項悉置腴田贍學仍委二尹何給牒行學管理秋成惟許學校親收不許縣書復擾嚴之甲令以爲永遠不易之規噫嘻始之胡侯而不能保田其終是有治法無治人也繼之李侯禮書而弊竇猶存是舉其偏而未及其全也成終者卒賴大夫以田畝則視前倍之

矣以禮書則飲迹不取前矣被執之膏火謫楮存  
吉凶廩精寤迫有助數十年之畫餅垂涎者至是而  
咸沾實惠焉茲武寧之一大奇遘矣大夫愛民而士  
先之鄭大夫寧得顯異於前乎哉大夫姓施諱大經  
別號玉屏由鄉貢進士擢瑞州府通判蘓郡各家齋  
也

遊魯溪洞記

余長祚 邑人太學  
生

自余脩江別業西北去五十里而遙爲魯溪洞吾邑  
東行抵洞亦如之余慕其奇且以昨年約汪生輩以  
武寧縣志

卷之八

十三

他故不果今秋入山決筴了此念毋見嘲山靈仲秋  
十之九日汪生至自邑與孫生暨余兄姪數人宿草  
堂質明驟雨肝而霽遂渡巾口陟牛頭峽踰紫鹿嶺  
熱甚時已下春憇豐樂寺僧穢不足與語適汪生所  
攜酒脯至各浮數白就枕五鼓起視白雲冠山且行  
且雨未幾已可十里許亂石扼山吭若虎豹九關狀  
瑰甚紆迴數百武溪流激峭石匯爲潭潭水綠油溪  
上草樹掩映逕孔隙窳徐步周視見洞之傍出者坂  
蘿躡其上多怪石稍前逕忽束迫之得大洞猶闕巖

然睨其下有竇不避水者多由此入下數磴廣可置  
數百人仰視石乳五色晃朗繪染弗及泉自內出潺  
潺琴笙右懸壁數丈猿接登之石色瑩徹恍然白玉  
堂危峰下臨側漏天日石之爲蓋者一爲棋者一稍  
左爲筍者二而上所不及尺許者亦二斜歷一洞石  
巨若龍首下瞰鮫宮殊懽人緣壁拊而右玉柱大數  
圍晶熒刺眼尋舊徑下張炬溯流前數弓益闢石如  
鼓與鏞考之聲敵真者上則幢幡之屬纍纍倒懸爲  
狀不一右則峭壁仞許陟其巔殊廣石梁與外洞通

武寧縣志

卷之八

十四

俯窺無底迤而更前若委巷則有如白如盎如孟注  
水高下鱗次者數十相傳爲石塘與田云再入數武  
爲龍湫前有洞高不逾尋深黝莫辨泉嚮愈厲或曰  
在與楚中山聯亘也予欲與汪生渡而同游者以炬  
盡尼之乃循前道出踞盤石放歌一章四山響答曼  
絕人世矣余先生曰茲洞之勝勝在不易究予每窺  
石尋之上交通互達穹窿際天恨不能卽真卓絕矣  
顧僻在窮壤士大夫履跡罕到又文詞不槩見遂湮  
滅到今若所稱龍湫則黃冠之徒往往以符籙奉之

...野窪地卽隣洞居者至白首不一往詰之則  
...人都也予謂仙人而在應幾旦暮遇之何繭足  
...前耶語云少所見多所怪信矣遊之明日乃筆其  
...凡以俟後之賈勇者

知州萬公崇祀鄉賢碑記

盛宗齡 邑人

仲尼之徒敬簡以臨其民而學道愛人者類皆德行  
文學士故出爲良吏處則恂恂鄉黨以步趨大聖人  
之杖屨而沒亦與大聖人共其俎豆余低回千餘載  
下而愴然於繼美之難其人也漢顏勣諸公外寥寥

武寧縣志

卷之八

十五

若罔聞焉然穎川至性寬和謀不苟而具於政也  
亦力行於化而艾大是崇於...之序嚴者渤海劍牛  
刀犢之風其猶有古易使心遺乎余卽未至其鄉而  
濁河清濟之間想不復畏堂祀矣今朝廷治卞醢穢  
守若令承流布...中外其畫像勒石當無下萬恭  
... 霸遂就起於允原亦自謂何遜漢官而特不  
可矯誣於鄉以則於聖人之門是則里閭之良且斷  
未肯以虛聲借也余鄉刺史萬公以明經掄魁北闈  
... 廷東流存活饑民...國量...授...陽江則地產...

衍而民易與爲非貴在尊詩書以陶之積禮義以化之而公爲之賞緡錢監塔以振其屈獲怒蛙之氣至今奉生像如考妣不衰若鄭西固南服一彈丸邑果何足當卧治惟是橫瑞之採推欲探錫穴抉其藏民惴惴鼠竄公貸金數百兩卻之鄭是以無瑞禍而民安其生嗣是守定番歛俗烏語卉服動輒爲梗公上馭邊十策羨木兩堅壘而制其命蓋庶幾渤海之雅化焉而公且欲懸車矣公歷宦省直皆平易近民不事苛細介介焉惟恐以秋毫爲地方累而文經武緯

武寧縣志

卷之八

十六

汪濺翔洽迨還里中春秋益高德益邵鋤富貴之色而徘徊於青疇綠野以娛其天年燕貽其子姓偃之室魯未嘗以非公至獨敦請而飲於鄉爲鄉人式而鄉人服之如太丘歿之日又潛潛下峴山淚也於是鄉之父老子弟群而鳴之於督學何公謂宜崇祀於鄉下郡縣覆覈僉同准置主入祠而余適司鐸於楮蒼每於二仲景括先賢之靈深有感於萬刺史之賢也簡而居敬愛而能威德莫厚焉文莫顯焉此一祀也武可以風出而不變隱而愈耀以享廟食誰謂不



然君子曰是真仲尼之徒也哉是真仲尼之徒也哉  
萬公諱曰軾中萬曆壬午順天鄉試歷知東流陽江  
鄭西遷定番州牧明崇禎庚午冬月記

遷復櫺星門記

盛宗齡 邑人

武寧遷復學宮諸生有請於按臺劉公下其議邑侯  
寇公弗以輯瑞爲弗遑也者而亟遷之亦旣美哉始  
基之矣署縣姚公至遂慨然捐俸助脩又設處百餘  
金購櫺星門故基適蒙兵臺謝公蒞視今學講堂進  
諸弟子而課焉檄郡帑取俸金爲庀材權輿署縣公

武寧縣志

卷之八

十七

愈嘉惠無已乃申請於撫臺解公按臺林公督學使  
陸公暨藩臬道府諸大夫力勸厥成而不駭爲非常  
之原雖廟廡堂齋等先後次第舉而櫺星門地則所  
謂得其門而入以見宗廟之美百官之富者恒必繇  
之是武庠遷復第一義也署縣公非惟不口實越樽  
俎而且勇於任爲司民社者式此其人果何可多得  
予嘗攷國朝典故邑長吏類皆以愛民興學爲首  
務而督運不與焉乃今日則又以督運爲長吏殿最  
倘無以應度支徵發將兢兢救過不暇卽欲與師

治俎豆之事其何能爲而公頌裕如也公攝符來武  
邑任樂於輸將宜若上考而於國初之所爲首務  
者更彰彰然任人之所未暇任以稱上德意則公豈  
錢穀簿書所能圓者乎因而記之以勸來者

遷復城隍廟記

盛宗齡 邑人

武寧城隍廟舊在縣治西學宮舊在縣治東成化甲  
午遷學於延恩寺故址至正德庚辰邑侯黃徙隍祠  
於舊學而以其地爲學官迄今上丙子亦旣歷年有  
有十七矣明神鍾鼓之靈恍欲發至聖俎豆之光以

武寧縣志

卷之八

十八

嘉與諸士而假手於我上臺以各還其故用是雖議  
因實任勦矣旁觀者或難之會邑侯寇公以輯瑞行  
弗逞拮据臬司經廳姚公諱存仁奉命攝茲土遂慨  
然爲已任曰允泄邑唯是士若民是賴士若民又唯  
是聖神之赫濯是憑倘弛其擔而不爲之所將焉用  
縮銅墨爲也甫下車卽捐俸貲百餘金助學隨措金  
半之脩隍祠更不難與斯民而更始焉丁丑夏輪奐  
一新民之群而託宇下者謀鑄諸石以志不諼而擇  
言於予予以爲隍祠之神其尊視大令其誕福斯民

是時威亦視大令之賢今公則代令而能爲令者矣  
能爲令則公之動息呼吸無一不與神通而神之嚮  
習陟降無一不與公會顯幽之間有作之合者耳公  
性敦大子惠柔義無窮不屑屑錐刀有賢豪長者風  
彼雖鈞金美幣是競置士民若秦越者不亦對明神  
而自慰乎而况於越樽俎而代者又何如乎公署邑  
纔數月有廢具舉每欲謝事士民輒扳卧其政績之  
可紀者未易更僕數而隍祠之復還其故則公肇敏  
始焉因從群請而爲之記時崇禎拾年丁丑陸月之  
武寧縣志

卷之八

十九

吉

脩王夫人廟碑記

盛宗齡

十世孫

洪武二年夫人隨子名宦公之任武值草創庶績用  
以人服名宦公之勤而夫人之母儀益慈著夫以夫  
人之精靈果何所顯鑠然生於杭家於武精靈卽於  
武乎倍赫當事者聞於上遂俎豆於衙身之左正德  
辛未靖安賊據上嶺華林賊破瑞郡戎馬迫近孤城  
及然夫人屢現夢邑宰謂邑無恙後果恃以無恐故  
率闔軍國大務悉憑其威德以輯寧之社雖廟貌代

不葺武廟今丁丑冬始繕徐公秉令如脩學  
建隍祠舉社倉增城堡繕武備積餉練兵防寇固圉  
者無不次第聿新以保聚斯民而尤嚴事夫人至戊  
寅夏遂捐資鼎勦視昔大有加焉寧惟是慰夫人於  
在天而薦其馨香以昭民力之普存俾不委諸草莽  
則侯之嘉伐夫人實默鑒之能不告之以吉祥而大  
其美報哉矧夫人以相帥撫公丕績得封崇階又以  
名宦東民公之宰是邑斑衣拜舞教民以孝則於祭  
法固不符而兆庶罔不欽者侯之爲夫人飾榱桷光  
几筵也其亦爲民而事神也乎

豫寧公廨記

陳思珊

甲午  
舉人

武寧縣堂之制依玉枕面脩江地形突然聳出諸峯  
坐拱市壘繡錯南面嚮明古居高臨下之勢則然也  
正堂而外有簷亭有儀門右庫藏左幕廳東西書史  
都房次則退食堂及官舍保寧樓王夫人祠制度宏  
闊內外聯絡城墉綿亘華采軒翔載在縣誌燐燐炳  
炳我皇清順治三年丙戌歲以蠢逆首亂多所焚  
掠公堂後衙一炬焦土順治四年丁亥歲西河任侯

武寧縣志

卷之八

二十一

諸天祚請於上允議昂建始創正堂保寧樓及廂房  
數間保寧樓後灰於十四年丁酉冬而正堂楹制頗  
崇僅覆以陶瓦四周牆壁及簷亭之屬多未竟他如  
庫藏東西廊房則議不及已嗣後諸公相沿勢有不  
述順治十八年辛丑冬雲夢馮侯來蒞茲土見夫儀  
門椽桷飄搖如懸危石瓦礫時傾出人心悸乃度工  
克材而脩葺焉見夫縣堂垣墻崩頽四無完壁曉日  
曛霜仰見明月每徵輸之朝風雨之夕里民無所托  
遂棟樑增前體近慢襲從而增其簷宇繚以墻垣廣

制極其規乃聖乃坐如翼如黃成步...  
大東西廊身僅餘基址書吏星散呼喚莫集每奉一  
司緊切移文催送呈覽還於家捧於庭責以稽遲三  
爲口實於是毅然經始計兩廊之制共二十有二  
一時並舉至於庫藏所以貯貢賦納金幣者載在經  
制尤爲切要由是始謀創舉且極完固周密無復巨  
測之虞矣若王夫人祠由來已久春秋有薦言凶有  
卜水旱有禱神所憑依於是乎在乃往迹久湮舊規  
湫隘今則增其式廓巍然穹窿不誦不讀廟貌新而

神靈安矣諸如退食堂及後衙官廳俱加脩飭唯幕  
廳與保寧樓工卜方向不叶吉尚未有及是役也積  
兩暮而始告成侯之殫心焦思匪伊朝夕焉余固陋  
當謀始之日不能不有所慮焉慮爾慮夫天下事有  
所舉必有所費有所費必有所取何茲之不費公不  
擾民不亟成有庶民子來之風有鬼神呵護之靈優  
游而圖之從容而樂之以弘制作以辯上下以洽神  
人以警惰窳莫不由於此舉也登斯堂也鳴琴而理  
宣上德達下情而且發號施令慶賞刑威莫不適宜

以飾剏 聖天子子惠元元嘉與維新之意亦莫不  
由此其關係豈淺哉余武志不續者三十餘年其間  
興廢舉墜事多湮沒不傳故不揣謏劣因書之以誌  
後日之續縣堂志者

重脩儒學碑記

鄒度拱

新建人  
林院檢書

豫寧學宮崇禎九年應城寇公從諸士議請於上檄  
下遷縣治東之隍祠復宋舊址也以地逼窄不稱署  
篆姚公王公捐金買民地益之制乃拓始建櫺星門  
明倫堂聖殿則仍隍祠未有改也順治二年闖寇自

武寧縣志

卷之八

二十三

江州陷武城學宮煨燼四年任公計里民費脩之方  
庀材輒謝去遺木石莫爲理接武夏公至念遺續葺  
草架梁椽覆以瓦稍妥聖靈餘槩未及焉十八年冬  
十一月雲夢馮侯縮章於武下車明日謁文廟講學  
畢環顧喟然曰學宮聖賢之所棲教化之所出人皆  
之所聚也今若此玩愒不治獨非司民社責乎學德  
湯君揖而前曰某司鐸於茲有年矣罔有懈然念及  
者侯甫下車卽引爲已咎無乃先聖之靈歟君之責  
乎侯脩學念遠諸生又以凡間瘡痍未復君

之侯焉治不煩所夕...  
...說禮逾年民逃亡者集士廢弛者勉比歲...  
...正供無掣肘之虞至康熙三年時和政平...  
...侯曰此可以...吾志矣乃度材鳩工...之營...  
...而櫺星門戟門繼...聖殿兩廡又繼而明倫堂...  
...祠各宦祠鄉賢祠以及東序西序靡不就緒木工...  
...施以丹雘度費凡三百兩有奇悉取諸內索他無...  
...預焉是役也肇於夏之四月告成於今春之二月...  
...亥越四日屆上丁先期學博湯君率諸生迎侯釋

武寧縣志

卷之八

...次昧爽迎侯同僚屬拜獻斯時寶炬熒熒庭燎有...  
...揮昭其明也馮侯戾止鸞聲噦噦昭其節也籥舞迭...  
...奏鼓鐘嚶嚶昭其聲也邊豆豐潔芹藻苾芬昭其物...  
...也峩峩髦士威儀反反昭其度也爵以三獻禮儀既...  
...備諸生進而賀...曩昔戎馬在郊主者苟就宜有成...  
...缺今也周垣屹繚櫺星闕閱殿廡深徯祠齋軒敞寶...  
...實枚枚煥煥燿燿諸生得趨蹌執事於廟中殆所謂...  
...入官墻見宗廟之美百官之富者歟侯之功於聖也...  
...如此庇於士也如此侯其尸於斯祝於斯與先聖同



壽於天壤間也諸生言未既侯再三遜謝學博游焉  
曰微侯功德不至此諸生言豈溢美哉侯還署汾陽  
命弟子汪君諱克淑者識之淑唯而退遂以前事馳  
告鄒早問鄒子記鐫於石鄒子曰嘻學官誠教化之  
所出人才之所聚也帝曰成均虞曰米廩周曰類宮  
皆學也古者司徒脩六禮明七教齊八政一道德養  
耆老卹孤獨上賢崇德簡不肖絀惡莫不於學焉係  
之苟學校不飭則教化不興教化不興則城闕佻達  
士習不至大壞不止斯時欲風俗醇美人材輩出烏  
武寧縣志

卷之八

二十五

可得哉今 皇上聖神天縱崇儒重道詔天下試士  
以策論務求經濟實學通達治體有裨風教者主司  
得以獻此正在大宗伯各省直督學使者郡邑刺史  
縣令鼓舞作興以養育之時耳今豫寧學官馮侯不  
憚捐資竭精殫慮凡所宜有分區布位一舉而完美  
若此不復竟諸君子未竟之業俾寧之多士藏焉游  
焉脩焉息焉於東西序之下凜坊表式儀刑所云石  
工若肆以成其事者也教化不於是興人材不於是  
育哉此則馮侯功於聖庇於士之明效也矣雖然此

也昔韓昌黎當學校廢弛之日獨能振興絕學史稱  
文起八代之衰胡瑗教授湖州科條纖悉備具以身  
率先設經義治事齋仁宗作太學取其法著爲令式  
異日天子下明詔飭天下廣崇先聖廟貌優獎醇  
儒則馮侯實前驅矣有民社責者聞鄒子言亦有感  
發而振勵者乎馮侯名其世號際生楚雲夢人由甲  
午拔選學博湯君名民貞號子良建昌府南豐縣丙  
子科舉人學旣成法皆得書

武寧縣志

卷之八

二十六

續鄉賢記

汪克淑

邑人廩生

鄉賢云者先王舉士於鄉公是非於鄉人曰某也賢  
祿於朝及其沒也祀於祠此鄉賢所由始也續鄉賢  
云者曰某也賢生旣祿於朝沒宜祀於祠未有祠焉  
者又從而續之亦鄉賢之遺也孔子曰不如鄉人之  
善者好之其不善者惡之也嘗攷陳公一泰之爲人  
也性樸慤無華敦孝友處鄉黨宗族恂恂如讀書懷  
獨行之耻取予不苟舉明經任瑞州教諭師模道範  
兩無所媿其殆古長厚之流亞歟盛公宗齡博雅君

也行方不偶於俗慷慨負大節貫經傳多所著作  
教授撫州科條纖悉備具爲士林所矜式與郡邑大  
夫鄉先生遊曠如也至若決大疑定大策參酌可否  
曾無少忒焉其見重於時有如此副使林公維藩當  
其出守汾州也養欲給束汾民賴之以生遂及銜命  
荆西也風聲迅聽荆民望之如雲覓可謂惠矣然行  
已有耻制事以義歷任十餘載卒於官筭無餘錢又  
可謂潔矣嗣是而盧公先覺言物行恒有爲有守別  
駕周公胤昌司李盧公圖龍剛方勁氣不降不辱亦  
武寧縣志

卷之八

二十七

昂然人傑也之數者以文章則咀英嚼華樹幟詞壇  
以德業則致君澤民輝煌朝野以友教士大夫則謹  
身率物卓越流俗藉令分榮俎豆垂光竹帛奚有不  
可乃聽其泯泯沒沒與蔓草同腐不亦惜哉康熙四  
年乙巳仲春會鄉賢祠成馮侯迎木主入祠自宋葉  
公顧言而下後先凡十有二人侯之意尤有遺憾也  
曰若者載諸誌詳且備祀於祠年且久無庸贅獨是  
明季迄今百十餘載其間薦紳先生豈無有協輿論  
者其子若孫念祖父手澤豈無有志未逮者雖祀典

不可遽邀然其人之賢何可沒也諸生倘其有無  
而前者乎爵無問崇卑賢無論大小續而紀之異  
古者知所採擇亦裨官野史之遺意也淑在歐  
聞侯言撫然思舉然高望恍然如有所得也於是次  
諸公以對左右或懼之以爲未可淑曰宋不云斤乎  
魯不云削乎妘胡不云竒乎吳越不云金錫乎斤與  
削竒金錫爲物不類而宋魯妘胡吳越必以稱者物  
產於地隨所在而皆良也豫章干霄大匠明堂當  
林於層巒大匠弗克顧則拱把拳曲需材者必博  
武寧縣志

卷之八

二十八

蕪收之矣今淑之賢諸公於侯也亦猶宋之斤魯之  
削妘胡之竒而吳越之金錫也侯之信諸公而不淑  
責也亦猶豫章干霄大匠弗克顧則拱把拳曲需材  
者博取而蕪收之之意也淑體侯嘉惠諸公之意而  
并祈諸公俎豆之榮之有待也於是乎書

脩城記

熊維典

建昌人

古者度地居民設險守國城固不重哉第城有高卑  
廣狹厚薄之不同始則因乎地土之肥瘠繼乃淪於  
風雨之摧殘若增卑以爲高拓狹以爲廣益薄以爲

辱則非人力不爲功然狃於因循憚於慮始末爲朝  
廷奠金湯於一方爲民生計屏翰於萬年者未易屈  
指客有武邑來者曰吾邑城工方竣欲得一言以備  
誌攷予直爲之余曰凡脩城恒事也或一年一脩或  
二三年一脩甚則一年再脩若皆如吾子索文以記  
之文不若是贖平客曰否否我侯之脩城非猶夫疇  
昔之所謂脩葺也非猶夫他邑之所謂脩葺也我侯  
奉上檄惟謹城守重務不事苟簡塗飾工最繁費最  
浩綜理最密工訖而城加高益厚拓數武且堅固可

以歷久遠而不敝壯吾圉銷外侮一勞永逸闔邑稱  
善吾是以來也余曰子試爲我詳言之客曰詳言之  
更僕未易悉也請言其畧吾邑雖僻壤墉垣之周迴  
近八百餘丈有竒爲梁口者一千七百有零城門上  
有樓臺又東西爲小門者二東西爲水關者二跨山  
瞰河勢旣崎嶇遠多罅隙城之上有窪者突者塌者  
夜間巡邏步履旋躓天雨水注坎穿土隨崩圯補此  
則彼穴朝繕則夕壞四門樓臺簷低而偏水關無敵  
樓守兵露宿今則城上純用大磚鋪砌錮以礮灰一

望寬坦人馬馳驟如履平地築口改砌方正高大  
比如櫛構臺六座棟宇峻起簷阿華彩軒翔中安公  
座左右爲小房旁容數十人可以發號施令登斯樓  
也凜然有尊重之勢焉增水關敵樓二座規制相符  
守兵無風雨之虞矣遠而望之岬若斷岸矗似長雲  
沃立梁夫給以衣帽器械虎牌箭簾翼翼整列炫目  
駭心夜則預設燈籠燈架火把照耀如白日遇點視  
人皆踴躍登陴士心倍奮府太守葉公過之稱善不  
已折謂壯吾圉銷外侮一勞永逸豈不然乎余曰爲

武寧縣志

卷之八

三十

費奈何客曰吾邑舊編脩城銀每年額銀二十七兩  
零動支三年不過八十餘兩豈足集事侯乃設捐銀  
五六百兩爾乃庀材料鳩工徒度高下量廣狹取厚  
薄程餼廩會時日起工於五月初六告竣於七月十  
八日費用有經出納有數則載之冊可考也若夫豎  
柱上梁之有賞賜三日五日之有優犒所費不少豈  
能一一登之於冊耶余聞客之言而心服侯之以實  
心任事也城旣脩而守之事倘舉焉使天下盡如此  
寧有不立之功因循之弊哉侯蒞任三載無懈政如

武寧縣志  
卷之八  
三十一

墓於水久也因次第客言而爲之記昔蘇公築堤  
知誦之侯之功德蓋與城俱不朽已侯姓馮諱其世  
疏際生楚之雲夢人也十八年冬奉命官武寧於今  
三年奏績考上上云時康熙三年十月朔日也

重建預備倉記

熊業華新建舉人

已設預備所以防旱潦戒不虞而持斯民之盈絀也  
春秋乞糴有書螟虫迭書漢唐來常平義社不一其  
名然良法美意匪不欲垂之久遠而奉行鮮實徒具

武寧縣志

卷之八

三十一

虛名噫可勝嘆哉武寧經乙酉闖寇蹂躪時東奔西  
突百務俱廢廬舍蓋藏公私具燼接以年穀不升稔  
饑相錯餐竹花飲木酪司民牧者視若罔聞環顧官  
倉舊址蒿蕪滿目瓦礫成堆疾首痛心盡爲焦土幾  
二十年辛丑冬十一月雲夢馮公乃蒞武邑越明年  
五月旱侯禱求日夜焦思因詢所爲預備倉之制而  
左右以闕狀具侯怵惕者久之卽謀另闢於縣治內  
之東無垣百堵小大廩舍計三十困鳩工庀材費約  
百五十金而苦於不支侯悉捐俸設處訖不三月而

是歲秋賴侯之虔雨暘相半計收穫之分亦如  
半侯平價而糴又明年三四月間價稍騰侯減價而  
糴至無告之民賑而不責其償是歲秋頗稱有年然  
米生金死公家又不能盡買而狼籍耗費閭閻亦苦  
無多藏至本年漕米雖經運解到省侯按其實數不  
盈十之七八咤曰漕債之負不倍利不止方出之民  
其何以堪因傾所儲粟多寡分給勒令星馳接兌不  
責以息寧士民稽首感泣咸相告曰至是而始知侯  
德之深且遠也至是而始知建倉之制之善也倉之

武寧縣志

卷之八

三十二

各仍其舊而實則侯之創興也是惡可以無言也用  
是徵余記余曰苟以記因卽以其所備述者直筆之  
然余又嘗側聞侯之言有曰居官如處傳舍吾居寧  
一日則必與謀一日之利噫斯言也可以見侯志矣  
後之父母斯民者志侯之志從而脩葺之塗墍之因  
其成法而善用之殆將萬億斯年以傳不朽又何憂  
乎良法美意徒具虛名且僅曰一日之利云

脩葺倉記

胡文衡

甲午  
舉人

建倉之匪輕係也在省無異其在邑而省爲甚在邑



建倉百餘而城爲之護故飛輓如雲者或  
一日至或不一日至皆可使陸續以應追呼者則遠  
道四五百餘里而舳運者五十四家家計正副米二百  
數十石俱足解前此倉建章江門矣面毗大江滿拜  
如嚙鯨鱸沓泊風浪莫支於順治十一年復購地惠  
民門之上水次便而匪瀕江維泊安而寡巨艦且輪  
困周遭闔展能貯一勝圖也惜地大矣而舊墻未拓  
倉設矣而存圯相半抑今年里儲矣而莫卹後此之  
又儲卽今年里脩矣而無當後此之不脩碩安所得

武寧縣志

卷之八

三十三

達不拔而飭求圖如侯蒞治來凡三從事漕矣甫視  
倉之頽廢卽捐橐飭工脩理之繼而逐年完葺而倉  
已集大觀焉謂侯之德僅在邑一時乎百年乎倉之  
在者不尤愈於在邑乎噫今之爲司牧者一行縮綬  
非不志切勤民而困於錢穀簿書者可勝道哉如我  
侯之拊字不廢催科愛人本之學道而諸凡就緒游  
必有餘當於古人中之先憂後樂求之可無誌且志  
弗緩

西倉官亭官倉記

張元鑰 辛卯 舉人

武寧糧儲倉次舊有西南市口三倉之號至國初定  
禹富平王公從里民議徙市口於東倉輸九鄉之米  
貯之鄉內誠國計民命之一大關係也後撤南東二  
倉而歸併於西倉則國計民命之大總匯於斯蓋治  
者勤勞報最之所資卽爲之里民納稅程而供邦賦  
王土王臣之義咸於是乎在也獨是廳宇圯廢倉木  
毀頽欹倒零亂莫可統理行其序則藁蕪焉官車鮮  
停蓋之區里民無站足之所視其倉則朽壞焉或立  
或仆瓦桷磚板風雨漂淫幾同燹後物矣順治十年

武寧縣志

卷之八

三十四

蒲陽方公署篆茲土間留意於斯功未半尋廢殊深  
惋惜焉十八年冬雲夢馮侯綰綬於武明年秋奉院  
道檄臨倉徵漕環顧咨嗟久之諭里民曰積貯天下  
之大命而倉儲實武邑官民之所重賴也亭宇弗葺  
倉次弗脩其毋乃輕國計而隳公事乎柳相視傳舍  
惜費費竟罔加之意乎夫宰政者綜理整飭之謂何  
而令若茲也且比至三年入覲有典載在天府必上  
告曰脩理倉庫若干所億藉令因陋就簡予敢以空  
文告我后於內哉縱不獲遽葺而漸次修舉罔俾完

司民杜著之所不容護也於是衆里民歸侯論  
進而交相喜知侯之留心國計民命誠深且遠也此  
秋成歲大稔侯殫心撫字雅尚寬和一時翕然自風  
民之任負輸將於倉次者纍纍然如蝟集如蟻負不  
煩庚癸而軍需饒足侯於是勅工庀材命役董之葺  
其亭使完葢焉侯與民從容計畫於其中若夫持籌  
而嗟仰屋者侯未之有也次葺其倉俾整理饒密焉  
聽里民待貯載至民有納粟捭條銀者命貯之官倉  
兼利農且足國用焉度費不煩工役告成腹之內實

武寧縣志

卷之八

三十五

而民不與嗣是康熙二年大有書三年大有又書民  
有豐亨預大之慶無耗蠹狼戾之虞非藉侯之綜理  
周而整飭備何以得此也哉會身蒙德化備聞侯諭  
暨里民之口碑頌颺者佩而銘之矣適父老詰予  
曰侯之重國計恤民命也如此昔之廢墜者舉而新  
之也如此侯於今報最天子行將以美政式邦國矣  
何不錄而志之會敬應曰唯唯然不寧惟是也侯之  
治蹟何可殫述大約以實心而行實政一時有慶登  
無燕務咸熙才猷美而經濟弘民不勞而受其賜諸

凡設施類如此昔夫子稱蒲有三善曰城繕完  
其忠信爲之晉陶侃爲荆襄守綜理精密纖細不遺  
爲國柱石侯之實政整整有條又何多讓焉會濫  
銓簡亦將有民社責者敬拜而錄之俾得景行取法  
焉且以示後之蒞茲土者儀型於勿替云爾

南關渡船記

趙曰冕

武寧縣邑也城之南環脩水爲帶委蛇曲折入於彭  
蠡青豫章西北一上游也廣距百餘丈輜軒之絡繹  
行李之往來與夫氓隸之飛芻輓粟者必由之古立

武寧縣志

卷之八

三十一

渡以濟迄明神宗壬辰間曾申請橫江爲梓橋橋船  
凡六十四艘耗千金而始成每歲賦給脩理銀四十  
二兩立橋夫六名每名工食銀五兩二錢漸至朽壞  
而工程浩繁莫繼不二十年輒廢不可復至戊甲復  
許允改橋船爲渡船五隻額編定每歲脩船銀八兩  
八錢八分改橋夫爲渡夫五名每名工食銀一兩二  
錢倘載明賦迨興朝定鼎以來沿習前代雖額編之  
而官渡久已闕如誠名存而實去良由無慈

之政以采之也會楚雲夢鴻侯來令一德勵精百

弛具舉乃於卧治之暇日擊其鞞惻然曰吾縱不能以乘輿濟人奈何使吾民徒涉而問諸水濱也粵稽官渡額費十僅有一侯竟置勿問遂捐俸易材鳩工造船如故旬日南北若砥周道卽里甲夫丁毫無與焉尋進父老子弟裁爲畫一之規俾制有定而功益永洵與吾寧建不朽之符矣諸父老子弟忻忻相告曰侯衆人母也公孫大夫其退三舍以避顏行微矣將此渡與江水靡涯民且爲之歌曰脩水洋洋仁德旁皇愷悌君子兆民永康今大川病涉庶幾無之矣

武寧縣志

卷之八

三十七

老子弟謀所以誌諸紀載予自粵西奉簡命擢憲金陵得還里適父老子弟馳幣洪城述侯事謁記於予予謂立德立功侯事也抑予何敢立言然以是畫侯猶蠡測也若以侯之政行將航天下而登之岸寧爲叢爾是賴第創一時規百代則侯之嘉惠無已時也予敢不爲之記

躋寧樓記

湯民貞

教諭  
舉人

按武寧舊誌縣堂內衙退食堂之後有保寧樓形家言所以迎龍脉而壯勝圖也無何災於順治十四年

丁酉至十八年卒丑冬馮侯來蒞茲邑逮康熙四年  
乙巳侯之爲政也五年矣脩廢舉敝恩浹化流百姓  
蒸蒸向化惡絕於心義形於色合力同心以供國家  
之賦是歲鵬月迺卜吉建樓明年三月樓成顏之曰  
躋寧取斯干君子攸躋君子攸寧之義夫君子抱道  
匡時出身加民一啓念不敢忘民一舉足不敢忘民  
所以宵旦圖維移風易俗必曰躋之仁壽之域登於  
衽席之上今侯之治武也不事敲朴與民休息逋負  
者貸之寒者衣之饑者食之冤抑者伸之鬻妻質子

武寧縣志

卷之八

三十八

者贖還之護良苗而去害苗累月積歲息勤不懈百  
姓飫茲樂愷上下同臻雍熙試觀十八年以前之人  
心風土與十八年以後之人心風土頑者格矣善者  
勸矣人有親上之心俗鮮澆漓之習加以旱荒有備  
天札不形會哺鼓腹而咏太平豈非躋之仁壽登於  
衽席歟於是登覽怡情高明有具褰簾遠望爽氣飛  
來涵茹太清空澄中素則斯樓也北彌玉枕西接九  
宮南望柳山慕貞公之德紫彪炳青史東眺吳峯嘆  
五車之鼎足何如車書一統愈思帝德之無疆至若

部先競如雲物至極山川遊曠草樹領華則思  
僻壤有半菽不飽舉趾無從者乎吾何以省之  
晴霞早燦綠陰芳穠披襟凭欄炎氛乍解則思  
疇畦有暑雨與咨曠推致此者乎吾何以慰之  
露團龍隰雲歛雁天脩江練明遙海上月則思  
西成在望有滯穗不沾授以靡藉者乎吾何以助之  
迨露往霜來朔風凜冽砉蓋驚新雪花飄瑞則思  
寒飈黍谷有稂稊不完爐火撥盡者乎吾何以  
明之時序迭遷景物異態觸目會心罔非經濟攸  
躋攸寧庸外武寧縣志

卷之八

三十九

是哉請質之侯侯歛然曰是吾心也而未逮願以侯  
後之君子

看鶴橋亭記

湯民貞

武邑縣治東跨腰帶水者曰看鶴橋誌稱邑士鄭尚  
華鑿石爲之構亭於上亭不知毀於何時迄康熙四  
年乙巳秋馮侯迺重建之是時也着費官着神祠若  
衙署公廨倉庫獄廄之類無不煥然一新寧論一亭  
乎有亭以覆橋而橋益固民不病涉亦一端也按  
橋明月乃八景之一他景

不不及問嘗中秋之夕夜靜人定散步橋上見四天  
一色萬籟息囂挂輪藹藹梧葉蕭蕭紺堞列若翠屏  
下開水道細流鏘然如珮環雖共是青天之月未若  
此地偏多碧落之輝也惜鶴隱觀不可攷意者卽介  
歲千年化鶴歸來事乎仙不可得而見矣庶幾翅如  
車輪霜毛玉羽飛鳴而過我得注目焉以實看鶴之  
名不亦大愉快乎徘徊未已客賦招鶴二章一曰偉  
胎化之仙禽兮抱清迥之明心指蓬壺而翻翰兮窮  
天步之高尋積靈祀之多方兮渺圓吭之遐音歸來  
武寧縣志

卷之八

四十

逍遙兮蘭皋之陰一曰白雲爲宇兮碧山爲榭得意  
山川兮不可繪畫使君清且仁兮覽德輝而來下縻  
爾好爵兮念爾不暇客雅好文辭取達意美有所歸  
風有所自鳳凰神雀且於斯矣

脩理監獄記

張仲友

邑之有囹圄大抵聖王不得已設之而國家所以爲  
誥奸禁暴之防也舉凡蒞治者惻隱慈愛之衷明察  
果斷之用與周詳敬慎之心將於是乎著焉我朝以  
鼎以來功介煌煌明罰勅法之意屢經嚴飭邇州縣



不惟謹至我武民每任俠而輕生逞忿而爭訟遂  
之相仍逋賦羈禁日煩克介淹滯往往有之前此  
二新民者非施以擊斷則委以縱弛求夫仁心誇惻  
庭無完民整葺完獲使有罪皆登衽席未易數觀焉  
至安馮侯十八年冬新任我武甫下車閱城墉及倉  
庫次閱監獄至惻然下淚曰武民則吾民則吾赤子  
何忍坐繫至此且少慕下車解網盛事自以此心此  
理同之今豈須史能忘縱國法所在未可輕釋其以  
議所以軫恤之自今約重犯者待悔悟下遽至重責

武寧縣志

卷之八

四十一

罪輕者從釋至逋賦者懇於上無釋之一時國空  
虛禁獄蕭然蓋存於熙熙皞皞之天矣時歲在辛丑  
為改歲時也侯更憫然念一二重罪難釋之民既失  
保聚之歡復無飲食屢歲之資於是人給脯米酒饌  
使一如室家保聚然噫推已溺已饑之心當不遠是  
乃侯之心尤惻然未已也仰觀瓦桶俯視卑濕遍閱  
五門墻垣見夫破壞者圯頽者壅滯沉污積闕不疏  
者葺葺惡穢致生疾病於是卽勅刑書鳩工役度材  
設身於此之憂者以理滯者以

盤然大極濟焉是役也肇於下車之明年春不旬月而功告成邑父老子弟屬予而問曰侯蒞我武匝數身耳而仁恩浩蕩若此稽古發政施仁澤及枯骨何以異焉若不獲稱揚盛德是負洪恩而自結其舌也得毋媿甚予旣而言曰侯之大有造於武也其至仁之能育物也其敬獄也能廣恩也其脩葺而疏滯也其審寬而飾德也語曰有闕雖麟趾之意後可以行則官之法度若侯者慈祥豈第監獄雖設而期民之不入也闕雖麟趾之報天固有以默相之乎是爲之武寧縣志

卷之八

四十二

記

重建王夫人祠碑記

王夫人元浙東道帥撫盛公諱添祥之妃明初邑令公歸文郁之母也以階封夫人生而壽考歿而神靈發諸誌紀甚詳祠在縣治內衙之左肇祀迄今三百年來雖代有建脩規模尚狹雲夢馮侯來宰武邑癸卯夏四月不雨人情皇皇侯以爲憂步禱於城隍朝元宮等處尤朝夕密禱於夫人祈筮許某日雨屆期

侯曰微神貺不至此顧祠宇敝隘豈

隨以躬崇祀乎於是捐資採木於寧州順流而致  
下鳩工協吉撤舊而新之上梁於八月辛亥落成於  
九月壬午崇二十餘尺縱橫稱是簷阿楹棟軒豁而  
邃密前敷武構一序巍朝祀也施以文采煥然美觀  
是日天朗氣清慶雲時見迎夫人像入祠率僚屬拜  
奠如儀夕燕於祠猶康爵之義也優人久奏猶簫舞  
之義也優必卜者何神雖無言猶稟命焉事之如生  
存之義也既醉既飽小大稽首使君壽考所以妥神  
而迓庥者如此備也事既竣學博湯君來爲予言因

武寧縣志

卷之八

四十三

求記之且言當時有三異焉化侵歲爲豐年一也六  
歲苦癘今不入境二也家給人足輸將恐後三也祠  
之成也錫五福焉自今以始歲以爲常福及農甲午  
春祠產三芝秋闈果雋三人扶植文運有開必先福  
及士正德間天兵助陣護城奏凱垂佑軍興實有明  
徵福及軍旅往年客人舟至三碛遇暴風濤幾危而  
安夜夢青鬟傳呼客人引至高門數重內有大殿珠  
簾座上夫人鳳冠霞帔客人跪拜殿下夫人曰汝有  
陰德故免覆溺之難至今埠岸頂祝福及商賈珍盤

不作庶物蕃阜疆圉奠安福及社稷余聞之不觉  
然起穆然思悠然而神往也禮能禦大菑則祀之  
捍大患則祀之先王爲民社計至深遠也今王夫  
閱三百年英爽不減功德及人是先王之所至崇也  
然而神者聰明正直之謂黍稷非馨明德惟馨古  
之矣余聞侯之爲政也敬天恤人緩刑尚德柔亦平  
茹剛亦不吐爲善者勸爲惡者沮庭無冤抑獄無  
吟惠澤旁流仁風翔洽百廢具興衆心咸服兼以  
明月湛之姿雪白水清之槩萃古今之間氣鍾則  
武寧縣志

卷之八

四十四

之精華會逢景運展布弘猷故得玄功默贊至道冥  
符詎一朝一夕之禱祀也哉侯之明德遠矣三異五  
福信不誣也夫往勒諸石孰謂非宜侯諱其世號際  
生由恩貢初拜命爲脩寧令又有守府胡君諱維新  
號順之皆精白一心共勦厥事例得並書以傳不朽  
云

北宸樓記

盛彌願

順治辛丑冬 馮侯銜 命來知豫寧政通人和  
復民力而脩隍濬池百廢漸次起色矣

治城之北衢通興瑞山藪接連向閣逆寇武備其  
謀攻焉累晝夜輟楫器械畢張駭人耳目城內率一  
壯相拒卒不能下迄丙午夏 侯詢往事乃相地勢  
爲治安計獨乘臺遂去北門透而西計十餘丈築臺  
架樓頽曰北宸夫宸者宇也維天之樞君位也故天  
子之宇亦曰宸以天子居北辰之宮嚮明而治今樓  
而以斯頽之尊君也亦以見尺土莫非一民莫  
非王臣人臣撫有土者庶其顧名而思義乎頽之時  
義大矣哉落成之日父老子弟稱觴慶忭竟不知手

武寧縣志

卷之八

四十五

舞足蹈若神遊於天表皇居之上者俯仰徘徊環視  
勝境前插柳峯後倚玉枕西望龍潭東迎鸞翥天馬  
羅坪環列左右山川靈秀互相映發封疆磐輦一時  
巨麗誠籌前人所不及籌之圖行前人所不及行之  
事創前人所不及創之業崔然嵬然迥絕遠瞻乎相  
告曰巍巍乎其有成功也因地而制勝哉亂於不萌  
計綱繆於未陰兩保牖戶以登衽席上圖有國下本  
安民其爲治安計者寧特尋常締造可比擬哉所以

爲巍巍成功也彼之登斯樓者毋徒侈結請眺遠

可以望氛板察災祥時時親傳勞佚類之時義法矣  
哉願得於群士中而請志其言以為尊君牧民者法

武寧縣志八卷終

武寧縣志

卷之八

四十六

